

**RESOLUCIÓN REITORAL DO 13/07/2018 POLA QUE SE DETERMINA A APLICACIÓN DOS PREZOS PÚBLICOS CORRESPONDENTES AOS ESTUDOS DE GRAO, MÁSTER E DOUTORAMENTO CURSADOS POLO ALUMNADO ESTRANXEIRO MAIOR DE DEZAOITO ANOS, QUE NON TEÑA A CONDICIÓ DE RESIDENTE, EXCLUÍDOS OS NACIONAIS DE ESTADOS MEMBROS DA UNIÓN EUROPEA E AQUELES A QUEEN SEXA DE APLICACIÓN O RÉXIME COMUNITARIO**

A regulación dos prezos dos estudos conducentes á obtención de títulos de carácter oficial e validez en todo o territorio nacional vén establecida no artigo 81.3b) da Lei Orgánica 6/2001, do 21 de decembro, de Universidades, na redacción dada polo Real Decreto-Lei 14/2012, do 20 de abril, onde se determina que serán as Comunidades Autónomas as que fixarán os mesmos nas súas respectivas universidades. O mesmo artigo establece no seu apartado segundo que os prezos públicos poderán cubrir ata o 100% dos custes das ensinanzas universitarias de Grado e Máster cando se trate de estudantes estranxeiros maiores de dezaoto anos que non teñan a condición de residentes, excluídos os nacionais de Estados membros da Unión Europea e aqueles a quen sexa de aplicación o réxime comunitario, sen prexuízo do principio de reciprocidade, así como aqueles estudantes de nacionalidade de marroquí que non tiveran iniciado os seus estudos universitarios cando entrou en vigor o Convenio de Asociación Estratéxica en materia de Desenvolvemento e de Cooperación Cultural, Educativa e Deportiva entre o Reino de España e o Reino de Marrocos, do 3 de outubro de 2012.

En desenvolvemento desta Lei aprobouse o Decreto 68/2018 de 21 de xuño polo que se fixan os prezos públicos pola prestación de servizos académicos e administrativos nas universidades do Sistema universitario de Galicia para o curso 2018/2019. Nel determinase, no seu artigo 2º punto 5, que cada Universidade establecerá, por resolución reitoral, os prezos que aboará pola matrícula en estudos de grao e máster o alumnado estranxeiro maior de dezaoto anos, que non teña a condición de residente, excluídos os nacionais de Estados membros da Unión Europea e aqueles a quen sexa de aplicación o réxime comunitario.

Estes prezos oscilarán entre o 25 % e o 100 % do custo de referencia fixado para cada unha das epígrafes da Tarifa primeira do Anexo do devandito decreto; custo que foi establecido no artigo 2.1 do Decreto 154/2012, de 12 de xullo, polo que se fixan os prezos correspondentes aos estudos conducentes á obtención de títulos universitarios de carácter oficial e validez en todo o territorio nacional nas ensinanzas universitarias Para o curso 2012/2013.

Asemade o citado Decreto 68/2018 de 21 de xuño introduce como novidade a equiparación dos prezos do crédito en ensinanzas de máster que habiliten para o exercicio de actividades profesionais reguladas en España segundo o establecido na normativa estatal e europea.

Dada a situación macroeconómica actual, unha vez valoradas as posibles repercusión no contorno social e académico, en relación cos estudos tanto de grado como de máster, parece conveniente aplicar un prezo público non subvencionado que cubra o 100% do custe de referencia establecido no artigo 2 do Decreto 154/2012, polo que se fixan os

prezos correspondentes aos estudos conducentes á obtención de títulos universitarios de carácter oficial e validez en todo o territorio nacional na ensinanza universitaria para o curso 2012/2013, para os estudantes estranxeiros maiores de dezoito anos e non nacionais de Estados membros da Unión Europea ou nacionais de Estados ós que se lle aplica o réxime comunitario así como aqueles estudantes de nacionalidade de marroquí que non tiveran iniciado os seus estudos universitarios na entrada en vigor do Convenio de Asociación Estratéxica en materia de Desenvolvemento e de Cooperación Cultural, Educativa e Deportiva entre o Reino de España e o Reino de Marrocos, do 3 de outubro de 2012, ao abeiro do seu artigo 39.

O incremento ao 100% do custe de referencia en Grado é consecuencia da reformulación do Programa de Atención a Estudantes Extracomunitarios (PATEX), de conformidade co establecido no Acordo do Consello de Goberno da USC, aprobado na súa sesión extraordinaria do 30 de marzo de 2016 e do Consello Social do 26 de maio de 2016.

En virtude das razóns antes expostas e da competencia que lle atribúe o mencionado artigo 2º punto 5 do Decreto 66/2018, do 21 de xuño, polo que se fixan os prezos públicos pola prestación de servizos académicos e administrativos nas universidades do Sistema universitario de Galicia para o curso 2018/2019, esta REITORÍA

## RESOLVE

**PRIMEIRO.-** Establecer no anexo desta resolución os prezos públicos correspondentes aos estudos de grao, máster, e doutoramento cursados polo alumnado estranxeiro maior de dezoito anos, que non teña a condición de residente, excluídos os nacionais de estados membros da Unión Europea e aqueles a quen sexa de aplicación o réxime comunitario, así como aqueles estudantes de nacionalidade de marroquí que non tiveran iniciado os seus estudos universitarios na entrada en vigor do Convenio de Asociación Estratéxica en materia de Desenvolvemento e de Cooperación Cultural, Educativa e Deportiva entre o Reino de España e o Reino de Marrocos, do 3 de outubro de 2012, ao abeiro do seu artigo 39.

**SEGUNDO.-** O prezo relativo ás ensinanzas de grao e de máster será o 100% do custe de referencia establecido na disposición transitoria do Decreto 154/2012, do 12 de xullo, de conformidade co Programa de Atención a Estudantes Extracomunitarios (PATEX) aprobado polos órganos de goberno da USC. Este prezo poderá variarse por Resolución Reitoral específica para determinados másteres interuniversitarios, a proposta das comisión académicas ou coordinadores, e para os efectos de poder ter o mesmo réxime de prezos no máster en todas as universidades.

**TERCEIRO.-** Os prezos públicos referentes ás ensinanzas de doutoramento para aqueles alumnos maiores de dezoito anos, que non teña a condición de residente, excluídos os nacionais de estados membros da Unión Europea e aqueles a quen sexa de aplicación o réxime comunitarios así como aqueles estudantes de

nacionalidade marroquí que non tiveran iniciado os seus estudos universitarios na entrada en vigor do Convenio de Asociación Estratéxica en materia de Desenvolvemento e de Cooperación Cultural, Educativa e Deportiva entre o Reino de España e o Reino de Marrocos, do 3 de outubro de 2012, ao abeiro do seu artigo 39, serán os establecidos no punto 2 do anexo á presente resolución, tomando de referencia o prezo establecido na Tarifa primeira do Decreto de prezos para o curso 2018-19 aumentados nun 100% co obxectivo de facer fronte a parte dos custes reais dos programas e asimilarse ós prezos que para este tipo de ensinanzas establecen a maioría das universidades públicas españolas.

O Reitor

Antonio López Díaz

Documento asinado dixitalmente conforme a Lei 39/2015 de 1 de outubro, do procedemento administrativo común das administracións públicas (BOE nº 236 do 2 de outubro de 2015).

## ANEXO

**1.-** Prezo público para as ensinanzas de grao e de máster para os alumnos estranxeiros maiores de dezoito anos, que non teñan a condición de residentes, excluídos os nacionais de estados membros da Unión Europea e aqueles a quen sexa de aplicación o réxime comunitario.

	Prezo total	Prezo por crédito
Epígrafe A)*	5.170 €	86,17 €
Epígrafe B)*	3.650 €	60,83 €

**2.-** Prezo correspondente aos estudos conducentes á obtención do título de doutor para o alumnado estranxeiro maior de dezoito anos, que non teña a condición de residentes, excluídos os nacionais de estados membros da Unión Europea e aqueles a quen sexa de aplicación o réxime comunitario.

Titoría anual de Doutoramento 400€

\*Epígrafes A e B do Anexo ao Decreto 68/2018 de 21 de xuño polo que se fixan os prezos públicos pola prestación de servizos académicos e administrativos nas universidades do Sistema universitario de Galicia para o curso 2018/2019

## Sinatura dixital / Firma digital / Digital signature

**Asinante/Firmante/Signer:** ANTONIO LOPEZ DIAZ, REITOR, UNIVERSIDAD DE SANTIAGO DE COMPOSTELA,  
17/07/2018 10:44:10.

**CSV:** 62B2-8C49-4393-9242